



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ლაშქრული

ლაშქრული, ლაშქრობასთან დაკავშირებული ფოლკლორული მუსიკის სახეობა. იხ. აგრეთვე *ლაშქრულ-მგზავრული სიმღერები*.

ლაშქრულ-მგზავრული სიმღერები, ლაშქრობასა და მგზავრობასთან დაკავშირებული ფოლკლორული მუსიკის ორი სხვადასხვა სახეობა, რ-ებსაც აერთიანებს მუსიკალურ-გამომსახველობით საშუალებათა არაერთი მხარე: ტემპი, მკაფიო რიტმი, კუბლეტური ფორმა, მარტივი და ხალისიანი განწყობა, ომახიანი შესრულება. ქართულ მუს. ფოლკლორში ლ.-მ. ს. მრავალხმიანია, მათი პოეტური ტექსტი – ნებისმიერი. მათგან განსაკუთრებით ცნობილია რამდენიმე ლექსი: „გზა სიარულმა დალია, სიპი ქვა წყალთა დენამა...“, „წასვლა სჯობს წარმავალისა, არ დაყოვნება ხანისა...“, „ომში წასვლა მას უხარის, ვისაც კარგი ცხენი ჰყავსო...“. XIX ს. 70-იან წლებში ერთ-ერთ „მგზავრულს“ მიუსადაგეს ილიას პატრიოტული ლექსი „ქართველო, ხელი ხმაღს იკარ“ (პოემიდან „ქართველის დედა“), რის გამოც სიმღერა პოპულარული გახდა. შემდგომ ზ. ფალიაშვილმა სიმღერა გადაამუშავა და გამოიყენა ოპერა „აბესალომ და ეთერის“ მეორე მოქმედებაში.

ლიტ.: კოშოვიძე თ., ქართულ ხალხურ დღეობათა კალენდარი შიდა ქართლში, თბ., 2014; ცოცანიძე გ., გიორგობიდან გიორგობამდე, თბ., 1978; ჯვარ-ხატთა სადიდებლები, თბ., 1998.

გ. ჩხიკვაძე
